



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-470/23

Sarajevo, 16.11.2023. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 20-11-2023			
Org. jed.	Broj	Priloga	Vrijednost
	05/1-02	395	23

Bosna i Hercegovina
Federacija Bosne i Hercegovine

Parlament Federacije
Zastupnički dom/Predstavnički dom
n/r tajnika/sekretara, Ivana Miličevića
Hamdije Keševljakovića br. 3
71 000 Sarajevo

Veza: Vaš upit broj: 05/1-02-395/23 od 26.10.2023. godine

Poštovani,

dana 31.11.2023. godine Tužilaštvu-Tužiteljstvu Bosne i Hercegovine dostavili ste zastupničko pitanje, zastupnika Admira Čavalića koje se odnosi na predmet broj: T20 0 KTOV 0019583 21.

Imajući u vidu navedeno zatraženo je izjašnjenje od postupajućeg tužioca čija kopija Vam se u prilogu dostavlja.

S poštovanjem,



GLAVNI TUŽILAC
TUŽILAŠTVA-TUŽITELJSTVA BiH
Milanko Kajganić

Dostaviti:

- Naslovu, sa prilogom kao u tekstu, na adresu: Hamdije Keševljakovića br.31, 71 000 Sarajevo;
- U spis broj A-470/23.



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTOV 0019583 21

Sarajevo, 07.11.2023. godine

URED GLAVNOG TUŽIOCA

Nr. Milanko Kajganić, glavni tužilac

Veza: Vaš akt br. A-470/23 od 03.11.2023. godine

Predmet: Odgovor na poslaničko pitanje

Tužilaštvo BiH i policijski tim službenika SIPA-e prioritetno postupaju u ovom predmetu, te se intenzivno vrši analitička obrada izuzetno obimne dokazne građe i materijalne dokumentacije koja je po naredbama Suda BiH privremeno oduzeta od visokoškolskih ustanova, uz istovremeno provođenje potrebnih vještačenja, saslušanja velikog broja svjedoka i drugih istražnih radnji.

Istragom tužilaštva Bosne i Hercegovine je obuhvaćeno petnaest osumnjičenih lica među kojima su i službena i odgovorna lica, uposlenici i vanjski saradnici visokoškolskih obrazovnih ustanova sa područja oba entiteta u Bosni i Hercegovini i Brčko distriktu Bosne i Hercegovine, i to: Nezavisnog univerziteta „NUBL“ Banja Luka; Univerziteta za poslovne studije „UPS“ Banja Luka; Visoke škole za primijenjene i pravne nauke „Prometej“ Banja Luka; Univerziteta za poslovni inženjering i menadžment „PIM“ Banja Luka; Panevropskog univerziteta „Apeiron“ Banja Luka; Internacionalnog univerziteta Travnik; Internacionalnog univerziteta Brčko distrikt Bosne i Hercegovine; Univerziteta modernih znanosti „CKM“ Mostar; Visoke škole „Union“ Mostar, sve zbog osnovane sumnje da su sporazumni djelovali u cilju neovlaštene kupoprodaje javnih isprava – diploma visokoškolskih ustanova, čiji promet nije dozvoljen propisima Bosne i Hercegovine, i koja grupa je u dužem vremenskom periodu na teritoriji Bosne i Hercegovine, njena oba entiteta i Brčko distrikta BiH, tačnije gradova Banja Luka, Prijedor, Travnik, Brčko, Mostar i dr., kao i drugih država, pronalazila lica zainteresovana za nezakonito sticanje diploma o stečenim akademskim titulama ili stručnim srednjoškolskim zvanjima ili zanimanjima na tim obrazovnim ustanovama, dakle radi kupoprodaje diploma, tako što su dogovorno organizovali nezakonito izdavanje diploma o stečenim fakultetskim zvanjima ili zanimanjima bez stvarnog provođenja nastavnog procesa i polaganja ispita, a što je u suprotnosti za zakonima o visokom obrazovanju u Bosni i Hercegovini.

S poštovanjem,

Tužilac
Tužilaštva-Tužiteljstva BiH

Senad Osmić

